

البنات هيجنونني | الحلقة (30) | #الشباب_والصيف | د .

حازم شومان

حازم شومان

حياتنا غير لما تملى بالخير وفيها يفرح الغير ومن انها تحلى ايامك سابق الطير. وان جاري هون طير بتغيير شباب حقق حلالك السلام عليكم ورحمة الله وبركاته. حبيبنا الغالي. ازيك يا بطل عامل ايه؟ الحمد لله. اخبارك ايه؟ الحمد لله. واحشني يا عم - [00:00:00](#)

تمام؟ الحمد لله. انت بخيل ولا ايه؟ مش هتعثمني على حاجة ولا ايه؟ انا اجيب لك احلى عصير دلوقتي. حبيب قلبنا ده وقت عشاء مش وقت عصير. عشاء؟ اه. ايه مقفل عاش كمان شوية؟ ربنا يبارك فيك ويزيدك يا رب - [00:01:25](#)
يا رب. طب عايزين نتعرف على بعض الاول. نتعرف على حضرتك الاول. طب ما اتعرف عليك انت الاول. والله انت الاول. حبيبنا ربنا يبارك فيك. انت بتسمع للارهابيين؟ لا ما اعرفش. يبقى انت مش هتتعرفني بقى يبقى - [00:01:35](#)
تعرفني مينين؟ آآ حبيبنا انا يعني عايز اقول لك كلمتين كده بسرعة. يعني بص الف تراييزة شباب قاعدين عليها على القهوة الوقتي. اشمعني انت اللي ربنا اختارك انك تسمع عنه الوقتي. اشمعني انت اللي ربنا باعت لك رسالة انك تسمع عنه الوقتي؟ يبقى ربنا بيحبك. يبقى ربنا رايدك. يبقى ربنا يريدك سبحانه وتعالى - [00:01:45](#)

والرسول عليه الصلاة والسلام بيقول لا يؤمن احدكم حتى يحب لاخيه ما يحب لنفسه. انا مش جاي اكلمك لان انا شايف ان انا احسن منك. انت ممكن تكون احسن عند ربنا من الف واحد - [00:02:05](#)
انا جاي اكلمك لان مش هابقى مؤمن الا لو حبيت لك اللي باحبه لنفسي. وانا باحب لنفسي الجنة. فباحب لك الجنة زي ما باحبا لنفسي. ان احنا نبقى مع النبي عليه الصلاة والسلام في الجنة. حبيبنا ربنا يبارك فيكم وربنا يحفزك. عايزين نتكلم مع بعض شوية. ولا انت ايه رأيك؟ خلينا نتكلم شوية - [00:02:15](#)

واحد شايل الشيف يا برنس. حبيبي ربنا يبارك فيك برضه شاي برضه مش عشاء! لما بعدها بقى. بعد الشاي يعني. حبيبنا ربنا يبارك فيك. عايزين نتكلم مع بعض. عايز اعرف مشاكلك - [00:02:33](#)
ايه عايزين عايزين نسمع بعض. يعني مش بس انت تسمعني وانا اسمعك حابب صعبة يا شريف والله. ازاي؟ حابة صعبة جاي احلى شهيد الشيخ ربنا يبارك فيك. الف شكر - [00:02:43](#)
الحياة بقت صعبة ازاي؟ الحياة بقت صعبة يا شيخ. ازاي بقى؟ والبنات آآ هيجنوننا في كل حنة. ازاي يا حبيبنا؟ كل حاجة بقت صعبة. باينة لما الواحد ما عدش عارف يمشي في الشارع الا اما - [00:03:02](#)

حبيبنا وايه يعني؟ ما هي دي مشكلة جامدة للشباب كلهم طيب بص انا هقول لك حاجة انت تديني بس قلبك كده خمس دقائق ونتكلم مع شايفها يا شيف؟ شايفها شايف ايه؟ فين الصاروخ يا عم؟ الصاروخ في حد زاتنا هيمشي على اول الشارع ازاي؟ طب انا هقول لك حاجة بص اديني وندك خمس دقائق الصاروخ مش هيكون خلص - [00:03:14](#)
الشارع بعد الخمس دقائق دول. لو انت ما اقتنعتش معي ها قم الحق الصاروخ قبل ما تخلص الشارع. خلاص يا حبيبنا بس خلي قلبك معي كده خلي وندك معي وخلينا احنا الاتنين مع الله. سبحانه وتعالى. وربنا يفتح على قلوبنا كده وينزل الهداية من عنده ان شاء الله بازن الله. قضية الشهوة. قضية البنات هيجنونني. قضية - [00:03:34](#)

الشباب اللي مش قادر يقاوم الشهوة بتاعته. اللي بيقول لك انت ما انتش شايف البنات ماشية ازاي. انت مش شايف الدنيا بقت عاملة ايه؟ انت الشباب الوقتي ما بين عادة سرية ما بين موقع اباحية - [00:03:54](#)

ما بين وقوع في زنا والعياذ بالله ما بين يعني الشباب ماشي يقول لك بص حل لي مشكلة البنات وانا اتوب. لو عايزني اجي معك المسجد الاقصى بعدها معك. انا تبت لربنا عشر مرات والبت اتصلت بي رجعتني. كل مرة في المكالمة قبل ما تخلص ترجعني. كسرت شريحتي مرتين وعرفت الرقم بتاعي وجابنتي - [00:04:04](#)

فمشكلة البنات هيجننوا مشكلة فتنة النساء عند الشباب وفتنة البنات عند البنات. المشكلة كبيرة جدا الوقتي. طب احنا نعالجها ازاي؟ عايزين كلام عملي انا مش عايز اقعد معك الوقتي ونتكلم كلام نزري. عايزين نتكلم كلام عملي. عايزين نتكلم في الحلول. اول حل ايه؟ للمشكلة ديت؟ اول حل ان يكون بينك وبين ربنا - [00:04:24](#)

صلة بينك وبين ربنا صلة حقيقية ربنا ما يسبيكش ابدأ بعدها. ربنا ما يسبيكش تقع في المستنقع ده. ربنا ما يسبيكش تقع لو الشهوات نادتك. زي مين في القرآن زي سيدنا يوسف لولا ان رأى برهان ربه كذلك لنصرف عنه السوء والفحشاء. ان ربنا سبحانه وتعالى ما يسبيكش ابدأ. طب عشان ربنا ما يسبيكش - [00:04:44](#)

لازم يكون بينك وبين ربنا صلة ربنا ما يتخلص عنك بسببها. لازم يكون بينك وبين ربنا حال. بص يا حبيبتنا انا هاقول لك حاجة. اي بنت عايزة توقع شاب او شاب عايز يوقع بنت. الموضوع بيمر باربع مراحل. اربع خطوات للانهيال. الخطوة الاولى اللي هي خطوة انها تبدأ تعرض نفسها عليه من بعيد كده. يعني ايه؟ تلبس لبس - [00:05:04](#)

جميل تلبس لبس مسير. تبدأ تنعم صوتها تبدأ تحلي ابتسامتها. تبدأ تتكلم بطريقة تلفت النزر. تلبس لبس يلفت النزر. ده المرحلة الاولى ما جابتش نتيجة بتدخل في المرحلة الثانية. المرحلة الثانية ايه؟ ان يبقى فيه كبر من العلاقات. ان يبقى فيه اختلاط محترم يبقى فيه مجال السيكشن الراوي - [00:05:24](#)

الدرس في اي مكان يبقى فيه مجال ان احنا نتكلم مع بعض. ان يبقى فيه كلام وكلام محترم جدا وفي اي موضوع محترم. ما جابش نتيجة بتدخل في المرحلة الثالثة. عارف - [00:05:44](#)

المرحلة الثالثة اللي هي ايه؟ المرحلة الثالثة بدء الكلام اللي بيمس النفس. بدء الكلام اللي نهايته كلمة باحبك. اللي نهايته كلمة باحبك. بدء انت آآ انت غبت امبارح ليه؟ انت الكلمة اللي قلتها دي اسرت في اوي. انت بدء الكلام اللي فيه اهتمام خاص. اللي معناها انا واخدة بالي منك او انا - [00:05:54](#)

واخد بالي منك. الكلام اللي نهايته كلمة بحبك او كلمة بحبك. المرحلة الرابعة اللي هي عرض النفس والعياذ بالله بقى. اللي هي مرحلة الزنا بقى والعياذ بالله. تعرف من الاربع مراحل دول مزكورين في قصة سيدنا يوسف. ربنا سبحانه وتعالى بيقول وراودته المرحلة الاولى. التي هو في بيتها المرحلة الثانية. عن نفس المرحلة - [00:06:14](#)

الثالثة وغلقت الابواب وقالت هيت لك المرحلة الرابعة. وراودته قال لك راودته ديت جاية من مراودة الابل. آآ يعني ايه مراودة الابل يعني ان الابل تفضل تروح وتيجي كده بالراحة. تفضل ايه الست او البنت او الشاب حتى بالدوجلاس وبالسماعات اللي في ودانه وبالمنزر - [00:06:34](#)

يفضل ايه ييجي ويروح قدام البنت كده. تفضل تيجي وتروح قدامه. بصوتها بشكلها بلبسها. بحركاتها. يبقى ده المرحلة الاولى هو ده الاول انها تلفت نزره. مرة بعد مرة كده المرحلة الثانية التي هو في بيتها ما جابتش نتيجة. التي وفي بيتها يعني الولد والبنت قدام بعض. يعني الشاب والفتاة - [00:06:54](#)

واحد الشاب والفتاة في مدرسة واحدة او في درس واحد او في مكان واحد ويبدأ الكلام المحترم. الكلام اللي ما فيش فيه اي حاجة عادي احنا بنقول ايه ده ما فيش اي حاجة ده انا بسألها عن الالة الحاسبة في درس الرياضة في السانوية العامة. ده انا بسألها عن ما فيش اي حاجة. المرحلة الثالثة بقى عن نفسه عن نفسه يعني - [00:07:14](#)

الكلام يبقى يمس النفس. بلاقي الكلام اللي فيه اهتمام خاص. بلاقي الكلام اللي مغطي ان انا واخد بالي منك. انا واخدة بالي منك.

يبقى عن نفسي الكلام اللي بيمس اوتار النفس. اللي بيدأ الشاب يحس ان البنت دي واخدة عينها عينها منه. ان تبدأ يحس ان البنت دي ان الشاب ده عينه منها. المرحلة - [00:07:34](#)

وغلقت الابواب وقالت هيت لك اللي هو والعياذ بالله الملكة ملكة مصر اتحولت لايه؟ انسانة بتفكر بشهوتها مش انسانة اصلا ده ده مرتبة حيوانية والعياذ بالله. اللي هو خلاص بقى شهوة الجسد طغت على الموقف دي الاربعة مراحل. تخيل امرأة العزيز عملت الاربعة حاجات مع سيدنا يوسف - [00:07:54](#)

الاربعة حاجات. ومع ذلك سيدنا يوسف ما وقعش. الاربعة مراحل اتعملوا معه ومع ذلك ما وقعش. ربنا بيقول ليه بقى؟ لولا ان رأى برهان ربك لولا ان رأى. يبقى هي كأن امرأة العزيز بتقول له انت مش شايف ملكة مصر اجمل واحدة في مصر. ومتعطرة ومرتينة - [00:08:14](#)

وفاتنة وجميلة ومنكسرة لك وبتحبك. انت مش شايف. الدنيا كلها بين ايديك. الدنيا كلها تحت رجلك. انت ما انتش شايف لأ خايف الله امال ما بتفتننش ليه؟ لولا ان رأى لان هو شايف حاجة تانية. لانه هو شايف حاجة تانية خلته يعمى عن رؤية الفتنة عن رؤية - [00:08:34](#)

عارف كان شايف ايه؟ عارف سيدنا يوسف كان شايف ايه؟ كان شايف جلال ربنا. شايف جلال الملك سبحانه وتعالى اللي ما فيش زرة في الكون اللي بتسبح بحمده. ربنا اللي باسم - [00:08:54](#)

واحد من اسماءه رزق الكون كله الرزاق اللي باسم واحد من اسماءه خلق الكون كله الخالق. اللي باسم واحد من اسماءه الكون كله بيسبحه ويبجهر بالتالي تصبح ليل نهار. السبوح. سيدنا يوسف كان شايف. كان شايف الجنة بعينه. كان شايف الجنة بقلبه عليه الصلاة والسلام. عشان كده امرأة العزيز تناديه - [00:09:04](#)

ناديني زي ما تناديني. انا شايف اللي مخليني ما اناش شايفك اصلا لولا ان رأى. يبقى اول ما انت تشوف بنت تشوف واحدة لبسها مثير. اول ما البنت تفتن يعني منزر على التنت او اي حاجة الحل ايه؟ اجري على حاجة تانية تعميك عن المنزر اللي انت شفته اللي هو ايه؟ بص في المصحف، بص في السما، بص اسجد - [00:09:24](#)

لربنا وخلي قلبك ينظر لجلال ربنا سبحانه وتعالى. سيدنا يوسف كان شايف كان شايف النار. شايف النار بقلبه. لما مصنع من مصانع الحديد حصل فيه انفجار الناس اتنقلت المستشفى لحمها داب. لحمها داب والعياذ بالله. دا نار الدنيا. امال نار الاخرة شكلها ايه؟ لما من فترة حصل حريقة في مسرح الناس - [00:09:44](#)

عرايا قدام الكاميرات. الناس خرجت عرايا والعياذ بالله ليه؟ بيتحرقوا وبيموتوا. فيه ناس خرجت بتزحف من الحرق اللي مسك في جسمها. فيه ناس قوة تسعين في المية من جسمها اتحرق والعياذ بالله. وده كله غمسة في نار الدنيا. او مال غمسة في نار الاخرة. تعمل ايه في الانسان؟ عشان كده الشباب الوقتي لازم - [00:10:04](#)

تقبل ان في حاجة اسمها حرام وحلال. عارف الحرام وفوبيا؟ حرام وفوبيا دي مشكلة دلوقتي عند الشباب. يعني ايه الحرام وفوبيا؟ يعني الشباب دلوقتي مش عايز يسمع كلمة حرام. اول ما - [00:10:24](#)

يجي له واحد يقعد معه كده ويقول له كلمة حرام خلاص شفت ده ليه؟ الشيخ ده متطرف. الشيخ ده مش فاهم. الشيخ ده ما ينفعش. الشيخ ده ما هوش عائش معنا ولا فهمنا ولا حاسس بنا - [00:10:34](#)

يا حبيبي الحرام ديت نعمة من ربنا. لو الشارع اللي قدامك دوت فيه سلك كهربا عريان قلت لك ما تمشييش. ما تدخلش فيه. يبقى انا كده باكرهك ولا باحبك! يبقى انا - [00:10:44](#)

كده متشدد ومتطرف ولا بدلك على مصلحتك؟ هي دي كلمة حرام. خد بالك في هنا حاجة هتضيعك. يبقى كلمة حرام ان احنا نفهم ان الاختلاط ما بين الولد والبنت ده حرام الاختلاط اللي اللي ما فيش له سبب ده حرام اختلاط الجامعة اختلاط الدروس الخصوصية. ربنا حرم الصحوية في القرآن مرتين. ولا - [00:10:54](#)

اقدام ان البنت ما تاخذش اصحاب من الولاد. ولا متخذي اقدام ان الولد ما ياخذش اصحاب من البنات. يعني ربنا حرم الصحوية في

القرآن مرتين. مرة على البنت ومرة على الولد - 00:11:14

ربنا يقول واذا سألتهمون متاعا يا ابو بكر وعمر. يا اصحاب النبي لو سألتهم زوجات الرسول عليه الصلاة والسلام اطهر خلق الله. عايزين منهم حاجة فاسألوهن من وراء حجاب. ليه ما نتكلمش مع بعض؟ دا اطهر قلوب رجال واطهر قلوب نساء. ذلك اطهر لقلوبكم وقلوبهن. الله! طب اذا كان دول - 00:11:24

محتاجين عدم الاختلاط عشان طهارة القلب. يبقى انا وانت اللي عادي الموضوع عندنا ان احنا نصدق ان النزر للبنت ده حرام. نزر ان الواحد ينظر سيدنا جابر ابن بيقول للنبي يا رسول الله نظر الفجأة انا ماشي كده لقيت بنت ماشية حلوة في الشارع بصت لها فجأة. النبي عليه الصلاة والسلام قال له اصرف بصرك. ما تبصش حرام - 00:11:44

احنا نعرف ان انا احط ايدي في ايد بنت اسلم عليها بنت عمك ابن خالك الموضوع ده كله. بنت خالك الموضوع ده كله ما ينفعش. الرسول عليه الصلاة والسلام بيقول لان يطعن - 00:12:04
في رأس رجل بمخييط من حديد خير له من ان يمس امرأة لا تحل له. ان لمسة ايد كده في سلام فما بالك لمسة ايد في غرام مالك ما هو اكسر من لمسة الايد فما بالك ما هو اكسر من هذا ان احنا نعرف ان علاقة الحب الحرام دي حرام ليه بقى لان اذا كان ربنا حرم عليك - 00:12:14

انك انت تبص لها هيحل لك انك انت تحبها. اذا كان ربنا حرم ان زوجتك توصف لك واحدة اجنبية وانت ما تعرفهاش. هيحل لك انت اللي تبص لاوصافها بعينيك اذا كان ربنا حرم عليك الوقفة معها هيحل لك انك انت تتكلم معها. قضية الشهوة قضية صعبة اوي عند الشباب. قضية الشهوة قضية مبهدة - 00:12:34

شباب فعلا ولكن لازم نشوف لها حلول عملية. عارف من ضمن الحلول العملية ايه؟ ان انت تعرف لو انت صبرت عن الشهوة عشان كده ربنا هيديك ايه؟ لو انت صبرت عن العادة السرية والمواقع الاباحية والاختلاط على السوشيال ميديا وفي المصايف لو انت صبرت عن كل - 00:12:54

الشهوات ربنا يديك ايه؟ عارف ربنا يديك ايه؟ عارف اول جايزة ايه؟ الفردوس الاعلى. لان ربنا بيقول في اول سورة المؤمنون والذين هم لفروجهم حافظون اللي هيحفظ الفرغ عن هذه المعاصي والشهوات اولئك هم الوارثون الذين يرثون الفردوس. يبقى اللي اللي هيحافظ على لان الشهوات دي جزابة - 00:13:14

طب لو انا قاومت يا رب وصبرت الفردوس الاعلى. طب لو قاومت وصبرت كمان يا رب تقف في زل عرش الله يوم القيامة. طب جبت الكلام ده منين؟ النبي عليه الصلاة والسلام قال - 00:13:34

سبعة يظلمهم الله بظلمه يوم لا ظل الا ظله. عارف منهم ايه؟ عارف يا حبيبنا منهم ايه؟ منهم شاب رجل دعتة امرأة ذات منصب وجمال. فقال اني اخاف الله. يعني بنت بتعرض على ولد علاقة. او ولد بيعرض على بنت علاقة. قالت له انا خايقة من ربنا. في ظل عرش الله - 00:13:44

يا نهار ابيض! عارف كمان اللي بيصبر عن الشهوات دي ربنا بيدي له ايه؟ بيدخل الجنة ومعه ضمان من النبي عليه الصلاة والسلام. مش بيحبيب جهاز كهربى ومعه ضمان من الشركة خمس سنين - 00:14:04

النبي عليه الصلاة والسلام قال من يضمن لي ما بين لحييه اللي هو اللسان وما بين رجليه اللي هو الفرغ اضمن له الجنة. ضمان من النبي عليه الصلاة والسلام. يبقى انت متخيل - 00:14:14

كل ده الثلاثة اللي اتقفل عليهم الصخرة. التاني اتعرض عليه الزنا وقدر عليه. ولكن تعفف عنه بعد ما قدر عليه. ربنا عمل له ايه؟ فتح له الصخرة في الجبل يعني ربنا يزيل الصخور اللي في حياتك ويفتح لك الابواب المقفولة بسبب العفاف دهو. يعني الانسان اللي اللي هيصبر على - 00:14:26

دهيت ربنا هيدي له ايه. عارف العكس بقى العكس اللي مش هيصبر على الشهوات ده ايه؟ اللي هيدخل المستنقع ده اللي هيعيش في المستنقع ده هيموت في المستنقع ده ربنا بيقول سواء محياهم ومماتهم. انا مش عايزك تزهدق مني. انا عايزك تفكر معي في الكلام. لو

قلبك اشتغل في الكلام اللي انا باقوله لك. انت هتبدأ - [00:14:46](#)

تعيش معي فيه. انما لو قلبك ما اشتغلش معي انت ممكن تقعد تقول الشيخ عايز مني ايه بقى الوقتي؟ انا كنت قاعد مزاجي عنب

وقاعد على القهوة وقاعد مستني صحابي واهصر سهرة - [00:15:06](#)

انما لو قلبك لقط مع كلام ربنا هتبدأ تحس بالنور اللي في كلام ربنا. سبحانه وتعالى النور اللي ربنا باعته لك انت الوقتي. اللي ربنا باعته لك دلوقتني الرسالة اللي ربنا باعته لك انت وباعته لي انا. لان قعدتنا دي هتشهد علينا يوم القيامة. تبقى حجة لنا او حجة علينا

- [00:15:16](#)

اللي هيعيش في المستنقع ده يموت في المستنقع ده. انا كنت مع شاب من الشباب قال لي العربية بتاعتي دي واحد صاحبي استلفها

مني. شاب من الشباب واقف معه بيقول لي - [00:15:36](#)

استلفها مني صاحبي. اتاري انه جاب بنت وهم الاتنين وقعوا في الزنا في العربية وقللوا وفتحوا التكييف. وقللوا العربية جوة جراج.

الاتنين ماتوا مخنوقين. الاتنين ماتوا بيقول لي اعمل ايه عشان اكفر عن الزنب ده؟ في العربية دهيت؟ اللي هي العربية بتاعته. انا

اعرف شاب اعرفه. واعرف مكانه، واعرف المحل التجاري بتاعه كان فين - [00:15:46](#)

طالع مع بنت على الطريق السريع يعني والعياذ بالله في وضع مخل مات وهو على الطريق السريع. اهله ما رضوش ان هم يصلوا عليه

الجنابة. من الفضيحة اللي هم خافوا منها - [00:16:06](#)

يعني اللي هيعيش الشاب اللي امه دخلت لفته ميت وهو عاري قدام انت قدام موقع اباحي عاري بعد ما وقع في العادة السرية. اللي

هيعيش المستنقع ده هيموت في المستنقع ده. اللي هيعيش على ده هيموت على ده. يبقى خسائر ان الانسان يستسلم خسائر فادحة.

عشان كده الرسول عليه الصلاة والسلام بيقول ايه؟ حفت النار - [00:16:16](#)

الشهوات. يعني ايه حفت النار بالشهوات؟ يعني الشهوة بتاعتك يا شاب؟ الشهوة بتاعتك يا بنت الشهوة بتاعتكم يا شباب الشهوة اللي

بتخليك عايز تكلم بنات الشهوة اللي بتخليكي عايزة تلبسي اللبس الديق وتسيرى الشباب وده يكلمك وده وده تتكلم معها وده. الشهوة

دي هي دي اللي بينها وبين جهنم خطوة - [00:16:36](#)

اللي هيقرب من الشهوة كل ما يقرب منها بيقرب من جهنم من برة شكلها حلو ومن جوة نار. زي ما جهنم من برة شكلها حلو ومن جوة

ومن جوة نار - [00:16:56](#)

فين حلول عملية؟ نعمل ايه مع مشكلة الشهوة ديت؟ نعمل مع ايه؟ عارف؟ فيه صورة جميلة قوي في القرآن اسمها سورة ايه؟

سورة النور. سورة النور دي ربنا بيتكلم فيها. القرآن بيقول لك لو كل البنات اتنقبت. ولو كل الشباب اتجوزوا ولو كل الفتن راحت

الشمال هيفضل - [00:17:06](#)

شمال عايز النور يبجي لازم النور يبجي من جواك. اوعى يا شاب يا اللي مستني ان كل البنات تتحجب وكل الاختلاط يروح عشان

تتوب. الكلام ده عمره ما هيحصل غير - [00:17:26](#)

يوم القيامة الكلام ده ده بقى كمان يعني الناس هتبعث عرايا ولا يعني ربنا سبحانه وتعالى يكسوننا من حلل الجنة. اللي مستني

الزروف هي اللي غير لازم انت اللي تتغير من جوة. عشان كده شف حبيبنا ربنا بيقول ايه قل للمؤمنين ايه؟ يغضوا من ابصارهم

ويحفظوا فروجهم. الاية اللي بعدها وقل - [00:17:36](#)

المؤمنات يغضن من ابصارهن ويحفظن فروجهن ولا يبدين زينتهن. ولا يبدين زينتهن الا مذار منها. ما تمشيش ببادي. تمشيش

بالسترتش. ما تمشيش باكسسوارات تلفت نظر اي حد ما تمشيش بخمستاشر نوع من الكشف في وشك. ما تمشيش بينطلون ضيق. ما

تمشيش باسمنش. ولا يبدين زينتهن الا مظاهرا - [00:17:56](#)

انت نفسك زينة على بعضك. ما ينفعش انك تزهرى زينتك. بعدها ربنا قال ايه؟ الاية اللي بعدها وانكحوا الايامى منكم. جوزوا اللي

مش متجوزين. اخر حاجة في دول هي ايه انجحوا الجواز. كان المتوقع ان اول حاجة الشاب يتجوز عشان الشهوة تزوح. ربنا قال له

غض بصرك قبل ما يقول له اتجوز. لان اللي هيتجوز وهو شمال - [00:18:16](#)

وهو من جوة شمال. الجواز مش هيعفه. الجواز بيعف العفيف. بيعف اللي عايز يستعف. عشان كده ربنا قال للراجل غض بصرك قبل ما يقول للمرأة لا يبدين زينتهن وده اعجاز ربنا في القرآن. ليه؟ لان لو هي اتنقبت لو هي مشت في صندوق لو كل الستات مشوا كل واحدة كده لابسة صندوق كده وماشية. والراجل - [00:18:36](#)

جوة شمال الفتنة مش هتروح برضو. لازم الحل يبجي من جواك انت الاول. سورة النور بتقول لك لازم النور يبجي من جواك الاول. فربنا كلم الراجل قبل ما يكلم اوعى تفتكر ان الستات هي الحل. الستات هي سبب المشكلة. التبرج بتاعهم. ولكن الحل لازم يبقى من جواك انت الاول. مش الست هي اللي هتحل لك مشكلتك - [00:18:56](#)

عشان كده ربنا قال غض بصرك قبل ما يقول لها استري الزينة بتاعتك. قال لك غض بصرك قبل ما يقول لك اتجوز. ليه؟ لازم النور يبجي من جواك الاول كده يا حبيبنا - [00:19:16](#)

الحل العملي ان لازم كل واحد فينا يحترم لحزات ضعفه انا اعرف واحد شاب من الشباب بيقول لي انا تبت والحمد لله وبدأت اصلي من اول رمضان وبعد كده في النص بيقول لي بقول لك ايه؟ قلت له ايه؟ قال لي بص يا دكتور انا - [00:19:28](#)

اه انا زانيت في نهار رمضان. طبعاً هو قال الكلمة انا لازم طبعاً ايه انت طبعاً شاب زي الفل يعني انا مش بتكلم على اللي زيك. انت ما شاء الله الصلاة منورة ووشك انت ما انت اكيد بتصلي صح - [00:19:43](#)

الفجر صح؟ اه. صلي الفجر حاضر كل يوم. وشك منهور. انت شغال في شركة الكهرباء اصل وشك منور اوي يعني مش معقولة النور ده كده جاي كده عادي يعني. لازم فيه حاجة جامدة يعني. حبيبنا الغالي لما باتكلم عن حد ده ده الشباب الوحش مش آا انما انت ما شاء الله - [00:19:54](#)

والله شاب محترم يعني من القهوة للبيت ومن البيت للقهوة. اه ما فيش ويعني ايه مية مية يعني. مزبط الحمد لله. بيقول لي البنت اه بنت آا بيقول لي وقعت في الزنا في نهار رمضان. مسكت اعصابي كده وعملت ان انا ايه مش عايز اجهزه يعني. هو مش مجعوز اصلاً فانا مش عايز اعمل له مفاجأة. فبقول له طب ليه - [00:20:09](#)

قال لي هي السبب. انا والله ما كان في نيتي حاجة. ولا كنت قصدي حاجة. انا قاعد اتخيل الموقف الكلام اللي بيحكبه يعني هو وهي كانوا في مكان مقفول طب هي دلوقتي فتنتك. طب انت ايه اللي وداك؟ احترم لحزة ضعفك. زي مرصيصة بيعبد ربنا. خد حط اختنا عندك في الصومعة - [00:20:29](#)

يا عم احترم لحزة ضعفك. الشاب اللي ينزل يقف في وسط الجامعة في وسط مهرجان التبرج اللي موجود. الشاب اللي يروح في شهر ثمانية مارينا الله طب انت رايح فين؟ الشاب اللي بينزل النادي الساعة ثمانية بالليل يوم الخميس. وهو عارف ان هو ماسورة تبرج طفحة. طب انت دلوقتي احترم لحزة - [00:20:49](#)

طافك ما تقدرش تستقوى على نفسك في الدين، برصي صداع بسبب البنت اللي بقت معه في الصومعة. والشاب اللي انا اعرفه ربنا يهديه ويتوب عليه. الحمد لله هو بيتقدم يعني - [00:21:09](#)

وقع في الزنا في نهار رمضان بيقول لي اقسام بالله ما كان في دنيتي حاجة. ولا كنت عايز حاجة اصلاً. انما سبحان الله العظيم يعني هو عرض نفسه لموقف شف لازم يحترم في لحزة ضعفه. عشان كده يا حبيبنا وانت بتقول البنات هيجننونا. ويا شيخ شف لنا حل في البنات. ولو عايزينا نفتح فلسطين نفتحها بس شيلوا لي - [00:21:19](#)

المشكلة دي من قدامنا. مش قادرين فعلاً لبس البنات. البنات بيعملوا الوقتي الرابع والشباب بيعملوا مع البنات الرابع خطوات. بتوع الانهيار خطوة التي هو في بيته بيتها خطوة عن نفسه. ها والخطوة الرابعة اللي هي غلقت الابواب. الشاب هيروح فين - [00:21:39](#)

كده ربنا قال للبنات الرابع حاجات دول. ربنا قال للنساء في القرآن اربع حاجات. رقم واحد ولا يبدين زينتهن. حرام عليك. ولا يبدين اصعب تكليف المرأة في القرآن كله حرام عليك. تفتنيهم بلبسك. حرام عليك تفتنيهم بصوتك. حرام عليك تفتنيهم بابتسامتك. ولا يبدين زينتهن. حرام عليك - [00:21:59](#)

الحاجة الثانية اللي ربنا قالها لها قال لها ولا متخذات اخدان. خدني يعني صاحب يعني اننيم. حرام عليك تصاحبى الرجالة. حرام

عليك الحاجة الثالثة يتربصن بانفسهن. ربنا قال يتربصن بانفسهن للمرأة التي جوزها مات. فبعض العلماء قال لك الست جواها ضعف داخلي واحتياجي - [00:22:19](#)

لوجود راجل في حياتها محتاجة فطريا راجل في حياتها. فربنا بيقول لها اللي جوزها يموت في بعض الستات متلهفة على الجواز. بيقول لها ايه؟ يتربصن بانفسين. امسكي نفسك انت يا اللي مش متجوزة مشاعرك مش ملك نفسك. دي ملك زوج المستقبل. انت دلوقتي بتخونيه. انت الوقتي بتاخدي من حقه اللي ربنا اداه له. من قبل ما تعرفيه وتعرفي هو مين - [00:22:39](#)

مممكن يبقى انسان ما يستاهلش انك تعملي معه كده. ولا يستاهل ان انت تخونيه بالغب بالمنز ده. فالتالته وتربصن بانفسين. امسكي نفسك عن العلاقات مهما كان جواك احتياج لراجل يبقى في حياتك يسندك في الدنيا ربنا هييعته لك. احسن من اللي انت واقفة معه. التكليف الرابع الزانية والزاني فاجلدوا - [00:22:59](#)

الزانية. ليه ربنا قال الزانية قبل الزاني؟ يعني لو هو حصل زنا انت السبب. انا السبب ليه؟ هو انا ما لي؟ انت اللي فتحت الباب. لولا انت فتحت الباب عشان كده يعني - [00:23:19](#)

كنت لسة مع شاب كده فبيقول في السانوية العامة لما كانوا بياخدوا الدروس درس الرياضة مسلا عايز يعرف البنت دي بتتكلم ولا ما بتتكلمش. هو الالة الحاسبة دي هي الماركة اللي الاستاز قال عليها - [00:23:29](#)

ولا لا؟ لو ردت يبقى خلاص البنت دي بتتكلم. لو لغت يبقى البنت دي بتتكلم. الله! ما تقفلي الباب من اولها. يا جماعة ان الذين فتنوا المؤمنين والمؤمنات ثم لم يتوبوا فلهم عذاب جهنم. بتفتنوا بعض ليه؟ شباب بيفتن البنات والبنات بتفتن الشباب ليه؟ عايزين انا دلوقتي باكلمك يا حبيبنا حلول عملية - [00:23:39](#)

ازاي ان يبقى فيه صلة بينك وبين ربنا؟ ربنا ما يسبيكش بسببها. ازاي ان لازم النور يجي من جواك انت ما تستناش الزروف هي اللي تتغير. اوعى تفتكر الزواج هييعفك. اوعى تفتكر الحاجات دي كلها - [00:23:59](#)

الضعيف. احترم لحزات ضعفك. اعرف سواب ربنا لك لو انت صبرت عن الشهوات دي. واعرف المشاكل لو انت وقعت فيها. خليك راجل بقى خليك راجل. يعني اشتغل ما تدخلش على السرير غير وانت مهدود بعد شغل ليه؟ عشان الشهوة ما تتحكمش فيك. اشتغل الشباب - [00:24:09](#)

ما بيشتغلش ليه؟ صم انه له وجاء. صم اعبد ربنا صحبة صالحة. كل الحاجات دي كلها بتخلي الواحد راجل في مواجهة الشهوة عشان كده عايزين نواجه الشهوة عايزين نواجه الشهوة بمعرفة الدار الاخرة - [00:24:29](#)

الشباب اللي هييعرف الدار الاخرة هييقدر يواجه شهوة. اللي هييعرف رصيدك خلص. بس الحساب لسه ما خلصش عارف رصيدك خلص بس الكلام لسه ما خلصش. رصيدك خلص بس الحساب لسه ما خلصش. ساعة الحشر لو رصيدك خلص ما كفاش انك تقف في ظل عرش الله - [00:24:46](#)

هتقف خمسين الف سنة في شمس القيامة. هتقول طب لسه على يوم القيامة قد ايه عما يخلص. الحساب لسه ما خلصش. لسه اربعين الف سنة. هييجي الميزان. لو خلص. ما كفاش ان كفة الحسنات تطب دي مصيبة. هتقول لهم طب لسه قد ايه على ما يوم القيامة يخلص. الحساب لسه ما خلصش. لسه ثلاثين الف سنة. هييجي العصر - [00:25:04](#)

على الله. لو رصيدك خلص. رصيد الحسنات ما كفاش. ان انت ان اتخد كتابك بيمينك. طب هتعمل ايه؟ طب لسه قد ايه على يوم القيامة اما يخلص الحساب لسه ما خلصش. لسه عشرين الف سنة. تيجي على الصراط لو رصيدك خلص. ما كفاش ان الحسنات تنور لك الطريق من على شفير جهنم. طب لسه قد ايه - [00:25:24](#)

يوم القيامة لسه عشر تلاف سنة رصيدك خلص بس الحساب لسه ما خلصش. يوم القيامة صعب. والنار صعبة. وعذاب ربنا صعب والجنة عظيم والانسان لازم يفكر. والانسان زي ما ربنا قال على سيدنا يوسف لولا ان رأى هو لما شاف كل الكلام ده بقلبه الفتنة ما قصرتش فيه. يبقى لازم حاجة - [00:25:44](#)

تشغل الفراغ اللي جوة قلوب الشباب. عشان الفتنة ما تأثرش فيهم. رصيدك خلص. بس الحساب لسه ما خلصش. حبيبنا الغالي. انا

فرحان ان احنا قاعدين مع بعض وانا حاسس ان انت ساكت كده مش عارف الصمت ده وراه ايه - [00:26:04](#)
والله يا شيخ يعني مقتنع ولا مش مقتنع ولا بتفكر في حاجة خدت بالك مني؟ بعيد عن كل المشاكل دي كلها والبنات اللي في الشوارع
وكده في مشكلة جدا. يا راجل! اه والله. الله! انت من شوية كنت بتقول بنات هيجنونوني والدنيا صعبة. اصعب منها يا شيخ. اصعب
من كمان فتنة النساء؟ قل يا حبيبنا قل. احب واحدة - [00:26:19](#)

نفسى اتجوزك الله اكبر. واحدة معينة بقى. البنت دي كفاية بس اسمع صوتها عندي في الدنيا كلها. الله اكبر. صوتها كده بيخليني من
جوايا انا على طول بشوف صورة احلى حاجة في حياتي كلها اصلا. بتحبها. مش عارف اعمل ايه - [00:26:39](#)
حبيبنا يعني ده كده هو الموضوع اتغير خالص انت كده انت سايبني بقى من اولها بقى بتكلم في مشكلة وايه وفي مشكلة تانية
صعبة. سبحان الله بص حبيبنا الغالي شباب كتير عندهم المشكلة دي. اوعى تفتكر ان المشكلة دي مشكلتك انت لوحدك. مشكلة
بحبها - [00:26:57](#)

وبتساعدني في قيام الليل ولو سبتها ينتكس وما اقدرش استغنى عنها وباشوف صورتها في كل حاجة. انا مقدر عواطفك. اوعى
تفتكر ان انا بسخر منك. اوعى تفتكر ان انا مش مقدر العطف - [00:27:37](#)
اللي جوة قلبك ومش مقدر المشاعر اللي جواك. واوعى تفتكر ان ربنا سبحانه وتعالى مش لا يعلم انت يعني جواك قد ايه الحب ده
نار. الحب ده عاطفة صعبة. الشباب للاسف علاقة اولها بايدك واخرها مش بايدك. هي دي مشكلة الحب. في الاول انت بتسلم عينيك -
[00:27:49](#)

واحدة بتسلم ودانك لواحدة بس لو قلبك لقط خلاص العلاقة ما عادتش بايدك. تبقى محتاج مع جوزة من ربنا عشان تطلع منها. بص
يا حبيبنا انا هاقول لك حاجة كلمة بحبك وعلى فكرة انا عايز اقول لك وقل للشباب بتوعنا. عايز اقول لك واقول لحبايبنا انا باقول
لكم كلكم حاجة. انتم وحبيبنا اللي انا قاعد معه دلوقتي باتكلم معه يا جماعة - [00:28:09](#)
خدوا بالكم يا اخوانا كلمة بحبك دي الكلمة اللي بتلبس قلب كل واحد مننا. الكلمة اللي ما فيش حد مننا يقدر ان هو يستغنى عنها.
الكلمة اللي كل بنت وكل ولد مستني اليوم والساعة واللحزة اللي تتقال له فيها. من الانسان اللي نفسه ان هو يسمعها - [00:28:30](#)
كلمة بحبك عمر وسلمى احمد ومنى شادي وسالي اتنين شباب اتنين شباب اتعرفوا على بعض على الفيس اتكلموا مع بعض فترة
طويلة. وفي يوم من الايام عمر داخل مخنوق ومدايق وتعبان. فبتقول له ما لك؟ انت انت النهاردة اعصابك مخنوقة ليه - [00:28:48](#)
انا انا انا تعبان. انا جوايا حاجة كاتمها ومش قادر اقولها. قل فضفض. قل اللي جواك. انا انا عايز اقول مشاعري لوحدك جوة قلبي
مشاعر تجاه واحدة ومش قادر اقولها لها. خايف انها تكسفي. والله ما هتكسفك بس انت قل. قل. يعني طب افرض كسافتني ده هي
- [00:29:08](#)

مستتية انها تسمعها. ما تخافش. انا انا بحبك. ياه! الكلمة اللي انا نفسي اسمعها من زمان. اخيرا قلتها. فاكر يا عمر! فاكر اول مرة تقابلنا
مع بعض على الفيس. فاكر اول مرة اتكلمنا مع بعض لما انت شيرت بوست ديني. البوست جنني. عجبني جنان. عملت لك شير ولايك
- [00:29:28](#)

وما احناش على البيوتيوب بس عملت لك سبسكرايب. انا حسيت ان انت فعلا اعجبت بالبوست الديني. عشان كده بعثت لك بعدها
طلب صداقة. قلت لك لو انت عايزة اي اي بوست دين اعمله قولي لي عشان ابعتك لك على طول عشان اساعدك في قيام الليل.
واساعدك في زكر ربنا سبحانه وتعالى. ايوه يا عمر يا حبيبي. عشان كده - [00:29:53](#)
انا بعثتها دخلت على الصفحة بتاعتك وعملت لايك لاي حاجة انت بتنزلها. كل حاجة عملت لها لايك وانا قدرت اللايكات اللي انت
بتعملها. دخلت كل في لايك عملتيه عملتي له كومت. كنت باقول لك مع كل لايك بتعمله لي. جزاك الله خيرا. بارك الله فيك يا
سلمى. ربنا يحفزك ويبارك فيك - [00:30:13](#)

انت فعلا نموزج المتدينة اللي بحق وحقيقي. ايوه يا عمر بس فاكر فاكر يا حبيبي لما انت قعدت يومين بعدها ما تدخلش انا كنت
هتجنن عليك جدا ورغم ان اخلاقي لا يمكن ابدأ ابدأ تخليني اقدر اكلم شاب على الخاص على الفيس الا ان انا ما قدرتش ما اكلمش

على - 00:30:33

واطمئن عليك عادي يعني زي اي واحد صاحبي. حاجة بريئة جدا. ايوه يا سلمى وساعتها انا فعلا قدرت ده وبالزات لما بدأت ناقشيني في المشكلة اللي عندك في الاسرة بتاعتك. انا ساعتها حسيت ان مشاعري ناحيتك غير شعوري تجاه اي بنت تانية. عارفة وحسيت بده منك يا حبيبي - 00:30:53

وعشان كده بعث لك على الخاص قلت لك اني احبك في الله. وبعث لك على الخاص قلت لك انت نموزج الشاب المتدين بحق وحقيقي. وانا حسيت بك فعلا ساعتها فاكدة لما قلت لك انت فاكدة كل حاجة بيني وبينك. فاكدة لما قلت لك ساعتها قلت لك انت فعلا نموزج البنت اللي انا اتمنى - 00:31:13

ان انا اتجوزها. يا بخط اللي هيتجوزك. انا نفسي في يوم من الايام اتجوز واحدة زيك في صفاتك. وفي اخلاقك وفي عقليتك. انت فعلا حاجة ماجيك وانا بعدها فعلا بدأت احس ان انت معاملتك اتغيرت لي. وبدأت كده يا عمر احس ان انت بدأت تغير علي. بدأ يبقى في غيرة كده. لما - 00:31:33

اعمل لايك لاي شاب او لما اي شاب اقبل طلب الصداقة بتاعته بدأت احس ان انت بتغير مش عارفة ليه. اي شاب على الفيس على الواتس على في اطيب في البلاش في النادي رغم ان كلها علاقات بريئة. بس انا ساعتها بدأت احس ان مشاعري ناحيتك خلاف اي مشاعر تجاه اي شاب تاني - 00:31:53

وبدأت استنى كل ليلة ان انت تقول لي اجمل كلمة مستنيها منك. كلمة بحبك واديك قلتها اهو. حبيب قلبنا يا فارس. انت تعرف شفت انا عارف اسمك ازاي. ها رغم ان انت ما قلتليش اسمك. انت تعرف اللي انا قلته ده الوقت ده. ده التطور الطبيعي لكلمة بحبك. ده الفصل - 00:32:13

الاولاني اللي كل الشباب بيبيص له ونفسه انه يحب ويتحب. ما هماش عارفين ان في فصول تانية في العلاقة. ده مش النهاية. ده الفصل الاولاني بس اللي كله بيبيص للفصل - 00:32:33

الجميل وناسي الباقي. الحب ده زي الزوحليقة ده بداية الزحليقة. البداية بيبيص لسة اللي بيركها لسة متحكم في نفسه. اول ما بيبيص سيطرته على نفسه في النص الثاني من الزحلية. التلت الثاني من الزحلية بيدأ يفقد التلت الثاني بقى اللي هو الفصل الثاني. اللي هو انا عايز اشوف صورتك. تبعت له صورتها ما انا في - 00:32:43

حلال انا انا اصلا نفسي في علاقة راقية بيني وبينك. تبعت له صورتها بيدأ يدخل شهرين يتغزل في كل ملمح. من ملامحها بعد كده ابدأ رقم التليفون بعد كده المكالمات اللي يعني يعني ازاي الشباب اصلا عارفين ان ربنا بيسمعهم ويعملوها. بعد كده بيدأ السقوط - 00:33:03

في الوحل بعد كده يدخل الفصل الثالث كان فيه مجموعة من الشباب راجعين من المصيف. فالطريق الطريق آآ طريق ساحلي. الطريق قافلين الكوبري عشان الشباب يعدوا من تحت. الناس يعدوا من تحت. قافلين الكوبري بصخور - 00:33:23

للناس ان في صخور قافلة الكوبري اللي هو المطلع ده. عشان الناس تعدي من تحت. الشباب ما عرفش يفرمل. دخل في الصخور كل الشباب ماتوا. اللي كانوا في العربية. اهي دي مشكلة - 00:33:37

زحليقة دي ان نهايتها صخور. اللي بيرمي نفسه في زوحليقة اخرها مية. اخرها رمل فرحان. انما دي اخرها صخور. اخرها الفصل الثالث. يا اما طلاق. لو حد منهم متجوز ما بيقدرش يكمل. يا اما جواز ولكن جواز بيتملى بالندم. انت عارف علاقات الحب. اصل الحب الحرام صعب ان ربنا يبارك فيه - 00:33:47

الحب اللي قام على اساس حرام ما حدش هياخد واحدة من خزاين ربنا غصب عنه. فالحب اللي قال على اساس حرام صعب ان ربنا يبارك فيه. عشان كده تيجي شف بقى بعد ما بيتجوزوا لما واحد في الالف منهم بيتجوزوا بيبقوا ايه تموت على روحك من الضحك. حبيب قلبنا انا مقدر مشاعر قلبك. ومقدر ان انت - 00:34:08

قلبك مليون عواطف تجاه واحدة معينة. تزعلش مني لو انا قلت لك ان الموقف بتاعهم يموت من الضحك بعد كده. يعني طفل بيقول

لابوه بعد ما اتجوز واحدة وبقي شف قصص الحب اللي كانت قبلها. بيقول له يا بابا هو الحب اعمى؟ قال له بص لماما وانت تعرف - [00:34:28](#)

ايوة كده الضحكة دي حلوة. حبيب قلبنا تعرف الضحكة بتاعتك دي اغلى عندي من الدنيا واللي فيها. اه والله. عارف الضحكة بتاعتك دي اغلى من اي كريب بتجيبه. اغلى من اي - [00:34:45](#)

كورونا بالفراخ تعزمني عليها بعد ما نخلص. اغلى من اي حاجة في الدنيا. طفل تاني بيقول لباباه يا بابا هو الحمير بتجوز؟ قال له يا ابني هو اتجوز غير الحمير - [00:34:55](#)

اتنين ماشيين في الشارع مراتاتهم تاهوا منهم. فقاعدين يدوروا على مراتاتهم. فواحد بيقول للتاني هو مراتك لابسة ايه؟ عشان ندور عليها. قال له لابسة بلوزة قصيرة بنطلون جينز ضيق. انت بقى مراتك لابسة ايه؟ قال له يا عم مراتي مين خلينا في مراتك دلوقتي ندور عليها! واحد نايم جنب مراته - [00:35:08](#)

يعني وقصص حب قبل الجواز رهيبه. فدخل حرامي فبتقول له خد بالك في حرامي في الشقة قال لها عيب انت نايمه جنب سبعة. شوية الحرامي تبقى في الاوضة قالت له الحرامي في اوضة النوم. قال لها عيب. انت نايمه جنب سبع. شوية الحرامي شالها ويخطفها ويخرج. بتقول له الحرامي شالني ويخطفني. قال لها عيب انت سايبه - [00:35:28](#)

الله! ده كان الحب الرهيب اللي قبل الجواز والمشاعر الرهيبه اللي قبل الجواز. واحد بيقول لباباه طفل راجع من المدرسة بيقول له يا بابا هو ايه الفرق بين والقدر وبين المصيبة. قال له يا ابني لو مامتك نزلت تستحمي في البحر - [00:35:48](#)

وسبحان الله العزيز يعني غرقت قضاء وقدر. قال له امال المصيبة. قال له لو حد انقزها. فانا واحد وراح مع مراته. حبيبنا انا عايزك تضحك. انا عايز افرفشك. انا مش عايزك تبقى مهموم. الشباب قاعد في حزن على على وشوشهم وحزن جوة قلوبهم. عايزين نضحك - [00:36:03](#)

لان ربنا معنا. لان ربنا مش هيسيبنا. ربنا مش هيتخلي عنا. خد مراته بقى بعد قصص الحب اللي قبل الجواز وراح يشتري لها جزمة. فبتقول للراجل عايزة جزمة كعبها قال له لأ جزمة من غير كعب. قالت له لأ كعبها عادي. قال له لأ من غير كعب. كعبها عالي من غير كعب. كعبها. فالراجل بيقول لجوزها بيقول له يا عم وانت ما لك - [00:36:23](#)

هو انت اللي هتلبسها؟ قال له يا عم هو انت اللي هتضرب بها. فاحنا الحب القضية قضية انه علاقة بدايتها بايدك ونهايتها مش بايدك. عارف المشكلة ايه؟ المشكلة ان دي طعم كلمة بحبك من ولد او من بنت. انما طعم كلمة بحبك - [00:36:43](#)

لو من مراتك في الجنة عربا اقرب عرب يعني تعرف تقول بحبك. تعرف تعرف عن مشاعرها. لو طعمك كلمة بحبك من جوزها في الجنة. يسقون من رحيق والله ما انت مادة ايدك تشربي. انا اللي هسقيك بايدك بايدك يا حبيبتني. لو طعم كلمة بحبك من رسول الله صلى الله عليه وسلم. كان ابن مسعود يقول للربيع ابن خثيم يقول له - [00:37:01](#)

لو رآك رسول الله صلى الله عليه وسلم لاحبك هيحبك. كان حبك النبي لو شافك. انت لو النبي شافك يحبك. الشاب اللي قاعد على القهوة الوقتي ويفكر في البنت يبص لدي ويبص لدي. لو النبي عليه الصلاة والسلام شافه هيجبه - [00:37:21](#)

طعم كلمة بحبك. طعم كلمة احبك عبيد من ربنا. ان الله اذا احب عبدا نادى في اهل السماء ساد جبريل اني احب فلان. تخيل كلمة الحب ده اهي من ربنا سبحانه وتعالى. سلام قولنا من رب رحيم. عارف المشكلة ايه يا حبيبنا - [00:37:34](#)

المشكلة ان هي تسمع كلمة بحبك. في الحرام في علاقة محرمة. يا تسمع كلمة بحبك في طاعة ربنا سبحانه وتعالى. الرسول عليه الصلاة والسلام بيقول في البخاري من شرب الخمر في الدنيا لما يشربها في الاخرة. كلمة بحبك لو انت سمعتها في الحرام في الدنيا وما تبتش منها. خاف انك تتحرم منها في الاخرة - [00:37:54](#)

كيف ان كلمة بحبك لو انت ما سمعتها في الطاعة لو انت سمعتها في الحرام ممكن تتحرم انك انت تسمعها في الطاعة. عشان كده الموضوع كبير الموضوع مش صغير عايزين نفكر مع بعض. اعرف قصة مدرسة وجوزها موظف. الراجل يرجع من الشغل. الست ترجع تطفح الدم وتطبخ - [00:38:14](#)

شوف العيال ودروسهم ومذاكرتهم. بيجوا بعد العشاء عايزة تقعد مع جوزها شوية. يدخل يقفل على نفسه مع النت يقعد يكلم النساء على النت. الست هتتجنن وهي اللي معلماه انت اصلا - [00:38:34](#)

فقامت داخله وغيرت بقى حاجات في الباسوورد والحاجات اللي زي ديت. وقامت داخله باسم رقيق جدا. وقامت داخله تتكلم معه فافتنت بها. فيقول لها انا نفسي اتعرف عليك اكرر. انا نفسي انا نفسي اسمع صوتك. فهي كانت مرعوبة. ده مراته هيعرف صوتها على طول. ومع ذلك كلمته اول ما كلمته عارف قال لها - [00:38:44](#)

قال لها ده انقي صوت سمعته في حياتي كلها. وبدأوا يتكلموا مع بعض. القليل قال لها انا اصلا ما بحبش مراتي وعایش معها عشان الاولاد. قالت له وانا جوزي قاعد على النت - [00:39:04](#)

طول اليوم وساييني. قال لها جوزك ده بارد. جوزك ده ما بيحسش. جوزك ده ما بي فهمش. انا نفسي اقبالك. انا عايز اقبالك باي طريقة. لازم اقبالك. قالت له عايز تقابلني - [00:39:14](#)

قال لها اه. قالت له طب استنى دقيقة واحدة. وقامت خارجة من الاوضة ومخبطة على الاوضة بتاعته فبعد شوية فتح عايزة ايه ؟ عايزة ايه مني ؟ مش انت عايز تقابلني ؟ انا جيت اقبالك اهو. طبعا اتصدم يعني اللي انا حبيتها ده ايه ؟ واللي انا مفتون بصوتها -

[00:39:24](#)

وبشخصيتها وعايز اسيب مراتي عشانها هي مراتي فيه ناس الحاجة لما بتبقى حرام بتبقى جميلة لو بقت حلال ما يحسوش بلزتها حتى الحب الحب كده انت عارف المرأة اللي راحت الكعبة قالت لهم اين بيت ربي ؟ قالوا لها هذا بيت الله. وضعت خدها على الكعبة وقالت بيت ربي بيت ربي وماتت - [00:39:40](#)

والشاب اللي بيحب بنت اول ما جت له متزينة نزل سجد لها من حبه لها مات. دي ماتت من الحب وده مات من الحب. ولكن خدمة بين الحبين عشان كده حبيبنا ربنا بيقول والذين امنوا اشد حبا لله. اشد حبا لله. ان اللي هيملى قلبه حب ربنا سبحانه وتعالى -

[00:40:00](#)

انا مش هيبقى عنده فراغ في قلبه الحب حرام بعد كده. طب اعمل ايه ؟ الحب متمكن مني. حبيبي ماشي. ما هو مش كل حاجة انا نفسي فيها اقدر ان انا اقرب منها - [00:40:20](#)

خد بالك ان الزواج لا يجب ما قبله. وفي شباب كثير يقول هتجوزها. ولو اتجوزتها علاقتك الحرام بها قبل الجواز ممكن تدخل النار بسببها. لان مش معنى انك اتجوزتها كل نزره وكل كلمة وكل مكالمة ربنا غفرها لك. ما دي زنوب عايزة توبة الى الله سبحانه وتعالى.

عشان كده الحل اصبر. ما تبقاش عامل زي اللي جه الساعة اتنين - [00:40:30](#)

الضهر في في نهار رمضان مش قادر عطشان اصبر. قولوا لي حل عملي اصبر. اصبري عواطفك المتفجرة جوة قلبك دي اصبري. ثلاث اربع سنين تتجوزي وهتبقى في الحلال. عواطفك الرهيبة اللي جوة قلبك. اصبر اصبر على كلمة بحبك. اصبري على كلمة بحبك. اصبر

لان ده - [00:40:50](#)

الطلاق حرام قايمه على اساس حرام. ربنا مش هيبارك فيها. نهايتها يا طلاق. يا نهايتها زواج مندوم عليه. يا نهايتها انتحار. كنت في جولة على القهوة شاب بيقول لي صاحبي في سانوية عامة هو شاب في سانوية عامة حب بنت ابوه قال له مش هجوزها لك الوقتي

ولا اخطبها لك الواد انت حر. يا انتحار يا كسرة قلب طول العمر - [00:41:10](#)

لان تسعة وتسعين في المية ما فيش جواز بعد كده تحطيم نهاية العلاقات ديت مش هو البدايات بتاعتها خالص. مش هو المنزر الكل متعلق بالفصل الاول. وما هوش عارف نهاية الزوحليقة شكلها ايه - [00:41:30](#)

عشان كده حبيبنا والذين امنوا اشد حبا لله. اعظم حب في الوجود. انك تعيش مع حب ربنا وربنا هيديك الحب الحلال. وهيديك

الانسانة اللي تحبك من كل قلبها. وهيديك الانسان اللي يحبك من كل قلبه. احساس ان انت سبت - [00:41:44](#)

حاجة عشان حب الله. سيدنا ابراهيم ربنا بيقول واتخذ الله ابراهيم خليلا يعني حب ربنا تخلل في قلب ابراهيم. هو ده الحب. هو ده الحب الحقيقي سيدنا محمد عليه الصلاة والسلام بيقول للسيدة عائشة لا ينام قلبي. عيني تنامان ولا ينام قلبي. من حب الله ما

بينامش. عينيه بتنام وقلبه عايش مع حب الله - 00:42:02

سبحانه وتعالى. ربنا بيقول على المؤمنين وذروا البيع. ذر يعني ارمي. ساعة ما ساعة ما حبيبيك يناديك ارم كل حاجة من ايدك. زي ما حبيبتك تتصل بك كده ترمي المذكرات حتى لو ليلة الامتحان. حبيبتك طب حب الله اللي اعظم من اي حب. اللي اعظم من اي حاجة في الوجود. ان احنا نعرف حب ربنا ده ممكن يغير - 00:42:22

اهم حاجة ان الفراغ اللي جوة قلوبنا ده يتشال. اهم حل للحب. اكبر حل لمشكلة الحب عند الشباب. ان الفراغ اللي ملئ بحب المخلوق يتحط مكانه حب الله. والشاب يعرف ان العلاقة دي ما ينفعش تستمر. اقول لك حاجة؟ اقول لك حاجة بس ما تتفاجئش. انت عارف انت لو - 00:42:42

من علاقة الحب الحرام دي. انت فكرك ان الموضوع كده خلص وسبتها؟ انت تعرف ان كل مرة بصيت لها فيها. وكل مرة اتكلمت معها فيها. انت كده اعتديت على عرض ابوها واخوها هياخدوه منك يوم القيامة. عارف يعني ايه؟ عشان كده البعض قال لك لما تتوب من علاقة حب حرام افضل طلع - 00:43:02

لابوها واخوها. ليه؟ لان يوم القيامة هيقولوا لك هات لنا حقنا. ده عرض بنتنا. يعني هقول لك حاجة. لو حرامي جه سرق محفظتك. سرق محفظتك. ده الاشد ولا يكلم مراتك مكاملة عاطفية؟ الاشد ايه؟ - 00:43:22

شد واطي. الاشد يكلم مراتك العاطفية. يعني انت الوقتي لو رحت سرقت محفزة من واحد وجبت توبة تقول ايه؟ لازم ارجع له حقه. لازم اطلع صدقات عشان يوم القيامة يسامحني. اطلع صدقات له - 00:43:39

طب لو انت بقى كلمت عرضه وكلمت مراته وكلمت بنته وكلمت اخته انت فكرك ان ده قال رسول الله صلى الله عليه وسلم ان دمائكم واموالكم واه اعراضكم عليكم حرام. كله حرام المال زي العرض بل العرض اشد من المال. كمان فالقضية قضية ان احنا عايزين نبص للموضوع من فوق. عايزين - 00:43:49

نشوف الموضوع نشوفه صح. السيدة مريم ربنا بيقول اذ انتبذت من اهلها. يعني تخيلي كده معي انتبذت احب الناس اليها بعدت عنهم ونبذتهم عشان تعيش مع حب الله سبحانه وتعالى. يبقى حب الله ده ممكن يغنيك عن البشر. ممكن يخليك تنسى حب البشر. بص يا حبيبتنا - 00:44:09

بكرة ايات كده في القرآن. حسستني انا انا ايات الجنة في القرآن كل ايات جنة في سورة بتحسني بعيشة غير الثانية. ايات سورة الغاشية دي في شهر ثمانية اللي احنا فيه ده في عز الصيف بتحسني بالقرى السياحية والمنتجعات السياحية العالمية. في فيها عين جارية. سرر مرفوعة. اكواب موضوعة. نمارة - 00:44:29

مصفوفة زرابية مدفوفة جميع انواع الاعداد. رحت قرية سياحية فاخرة قبل كده قعدت عربي. قعدت ساحلي قعدت رياضية. قعدت في الفلل قدام الشاليهات قعدت للكبار اللي الحبيبة اللي عايزين يقعدوا رومانسي على ايه؟ على الحاجات اللي هي الامبرلات اللي بيعملوها. عاملين جميع انواع الاعداد. سورة الغاشية بتحسني ان المنتجات - 00:44:49

الساعات السياحية بتاعة الجنة ما لهاش زي. سورة ياسين بتحسني بالقعدة الرومانسية اللي ما لهاش حل. شف ربنا بيقول ايه. ان اصحاب الجنة يوم النهاردة كانوا امبارح حاربين نفسهم. اليوم في شغل فاكهون هم وازواجهم. هم وازواجهم دي اللي كان الشاب هيموت عليها في الدنيا - 00:45:09

انا وحبيبتني انا وحبيبي. نقعد مع بعض بس. فربنا بيوصف لك شف بقى القعدة الرومانسية الجميلة. هم وازواجهم. في شغل عارف انت كده لما تكون قاعد حبيبتك اللي بتحبها تقوم داخل حامل الحالة على الواطس انا مشغول. ما حدش يكلمني. كل السوشيال ميديا والتواصل الاجتماعي في الجنة. اه ينسط - 00:45:29

ما حدش يتكلم عليه. انا مع حبيبتني. انا مشغول الوقتي ما حدش له دعوة بي. في شغل ايه؟ فاكهون. في الدنيا ما كانوش فاكهون. في الدنيا متراقبين خايف اخويا يشوفها ومخنوقين وطب هنعمل ايه؟ طب نتقابل ازاي؟ طب ازاي الناس ما تشوفناش واحنا قاعدين مع بعض؟ هنا فاكهون. هم وازواجهم - 00:45:49

في ظلال في ظلال دي قاعدة رومانسية بقى في نور رومانسي بقى. على الارائك الاريكة دي كوشة الفرحة عريس وعروسة. متكونون الدنيا قاعدين طب هنتجوز منين ؟ طب هجيب لك الشبكة منين ؟ طب هنسكن فين ؟ طب هتقول لابويا ايه ؟ لو اتقدمت له. طب ابويا هيوافق ازاي ؟ قاعدين متنكدين - [00:46:09](#)

هنا بقى متكونون اخر انتخة واخر نعيم لهم فيها فاكهة بيتخدموا بيتخدموا ولهم ما يدعون. ما تيجي يا حبيبتي نركب يخت ونطير في بحر من بحر الجنة مع بعض. ما تيجي نركب يا حبيبي ونسوق على سرعة سبع تلاف كيلو في الساعة. ونطير مع بعض كده - [00:46:29](#)

على الموج كده ما تيجي ولهم ما يدعون. اللي هو عايزه هو وحبيبته مع بعض. شف القعدة دي لانه ضحى بالعلاقة الحرام في الدنيا انما اللي خد العلاقة دي في الدنيا ضيع ده في الجنة. من لبس الحرير في الدنيا لم يلبسه في الآخرة. فاللي اللي بياخد الحب حرام - [00:46:49](#)

هو الخسران. وزى ما قلت لك يا حبيبنا الزواج لا يجب ما قبله بتحبها اوي بتحبها ولا بتحبني ؟ لا بحبك. ولا بنحب ربنا سبحانه وتعالى؟ حبيب قلبنا الغالي. احنا في زمن صعب - [00:47:09](#)

احنا في زمن صعب جدا. ولازم ناخذ بالناس ان الزمن اللي احنا فيه ده ما فيش فيه رمادي. يا ابيض يا اسود. يا انسان مع ربنا يا واحدة مع ربنا - [00:47:27](#)

يا اما هيتجرف يا اما انجراف ما فيش في الزمن ده وسط. واحد عارف يقف ما بين الطاعة وما بين المعصية. ويعني يعني وربنا يحفزنا اللي هيعيش في مستنقع الموضوع عارف اللي بيشد حبل كل ما يشد حدة تيجي الحنة اللي بعده اهو ده اللي داخل في في الطريق ده. طريق الشهوات والحب الحرام هو هو بيتهدى له انه هيعرف - [00:47:37](#)

يفرمل المعصية عربية ما لهاش فرامل. ما فيش فيها فرامل. مرة واحد عرض علي حاجة معينة ان انا اعملها. فاستخرت ربنا اقبلها ولا لأ. وكان هيجي من وراها كان وزيفة في الدنيا يعني حاجة في الدنيا. وكنت انا لسة طالب. وكان هيجي من وراها عائد مادي كبير جدا جدا جدا. بس كان هيبقى فيها تعرض لفتنة نساء - [00:47:57](#)

جبارة. يعني المهنة دي كان فيها تعرض لفتنة نساء رهيبة. رهيبة. فانا استخرت ربنا ونمت. حلمت ان في عربية كده انتهى وبعد ما طارت بي فلقيت جدار قدامي وميدان قدامي جاي ادوس بنزين ما لقيتش بنزين ما انا جاي ادوس فرامل ما لقيتش فرامل - [00:48:17](#)

صحيت من النوم وانا قلبي مخلوع قلت سبحان الله! ده ده الحاجة اللي اتعرضت علي. ده دي المعصية. دي الفتنة. اللي انت بيتهدى لك انا هافرمل. لا لا لا وما فيش حياة واحدة هتقدر - [00:48:37](#)

علمي وهقدر ان انا اعمل كذا وما يحصلش معي اي مشاكل. حبيبي ما فيش فرامل هتيجي تحط رجلك وانت داخل في حيلة هتكتشف ان ما فيش فرامل. عشان كده حبيبنا الغالي - [00:48:47](#)

يعني بص انا عارف ان انت حتى لو سبت اي حب حرام. ولو سبت الفتن كلها. ولو الشاب التزم والبنت التزمت. احنا بشر يا جماعة. احنا بشر الكل متأسر بالشهوات اللي موجودة مهما عملت لو انت احترمت لحظات ضعفك. لو انت لولا ان رأى وفعلا واتملى - [00:49:00](#)

قلبك ببديل في حب الله سبحانه وتعالى. لو انت بقيت راجل واشتغلت وصمت والتزمت وخذت صحبة صالحة. لو انت افتكرت سواب الصبر على الشهوات. لو انت بقى بينك وبين ربنا صلة بحيس ان ربنا ما يسبيكش تقع في فتنة. لو انت من جوة الحنة الشمال اللي جوة نفسيتنا اتعالجت. الواحد بقى عفيف. يعني مش مستني ان الدنيا تتصلح عشان اصلح - [00:49:20](#)

كل ده لو حصل برضو هيفضل الفتنة صعبة. برضو اولئك الذين امتحن الله قلوبهم للتقوى. هيفضل الامتحان موجود. برضو مش هتبقى الدنيا جنة بقى وانا مش هاممني وانا باشوف البنات وما يهمني. وانا باشوف الفتن لأ هتفضل تتعب. لان النبي عليه الصلاة والسلام قال كده القابض على دينه كالقابض على الاية - [00:49:40](#)

على الجمر هيفضل الالتزام عايز صبر. وهو ده اللي ربنا بيديك السواب عليه. هو ده الشاب اللي بيقول لك آآ الشاب اللي عنده حرامه فوبيا ده اللي هو عنده فوبيا من كلمة حرام. ما تقوليش حرام. ما تقوليش سب. عنده سببه فوبيا. اوعى تقول لي سيب. اوعى تقول له اترك. اوعى تقول لي ضحي. يا ابني اللي ما بيقدرش يسيب عشان ربنا - [00:50:00](#)

ما ينفعش يشيل دين. اللي مش هيضحى عشان ربنا ده ما ينفعش يشيل دين. اللي عايز بديل من المتعة واللذة عن كل حاجة ده. امل السواب على ايه موسى بيقول لربنا هي عصاي اتوكل عليها. اهش بها على غنمي. يا رب ده كل مصالح حياتي. مرتبطة بالعصاية دي. قال له القها. ارميها. رماها. ما قالوش هات لي البديل يا رب - [00:50:20](#)

فالوش البديل انا هاسيب عشانك. وانا واسق ان من ترك شيئا لله عوضه الله خيرا منه. ابو هريرة كان بيقيم من طوله في المدينة المنورة من الجوع كان يطلب حديس النبي عليه الصلاة والسلام. بقى امير المدينة. سلمان الفارسي سلمان الفارسي اللي ان شاء الله. يعني سلمان الفارسي. الساب بلاد ساب قرية في بلاد - [00:50:40](#)

فارس عشان ربنا بقى امير بلاد فارس. ام كلثوم بنت عقبة سابت مكة تهاجر للنبي عليه الصلاة والسلام. اتجوزت اغنى الصحابة عبدالرحمن بن عوف. عبدالرحمن بن عوف ساب فلوسه في مكة عشان يهاجر للنبي عليه الصلاة والسلام. قال بعدها ظننت اني لو رفعت حجرا لوجدت تحته ذهب. ربنا هيعوضك. من ترك شيئا لله عوضه الله - [00:51:00](#)

خيرا من ربنا هيعوضك في جوازك. ربنا انا اعرف يعني اخواني اللي ضحوا بعلاقات الحب الحرام. لما عرفنا بعض بقى من عشر سنين ولا حاجة وهم كانوا لسه لو شفت جوازاتهم الوقتي واستقرارهم ومباركة ربنا لهم في زوجاتهم وذرياتهم. تقول يا رب انا نفسي ابقى زي دول. كل واحد منهم كان بيحب - [00:51:20](#)

على علاقة حب محرمة ولما التزم سابها. لما سابها ربنا رزقه بعد كده جوازة من احسن الجوازات. واسعدها واكثرها استقرارا. طب لو ما سابش ربنا الديان. الديان لا يموت. السهرة اللي انت هتسهرها على الفيس او على السكايب او على مكالمات فودافون المجانية تكلمها فيها. مراتك اللي هتتجوزها بعد - [00:51:40](#)

خمس سنين قاعدة في نفس الليلة بتتكلم مع شاب وبيقول لها نفس الكلام اللي انت بتقوله. للبنت اللي انت بتحب فيها ديت ومش هتتجوزوا بعض في الاخر. سلف ودين من - [00:52:00](#)

عرضك الديان لا يموت. اسم الله الديان هنا بقى الديان لا يموت. عايزين نعرف انت محتاج لربنا. ده انت لو لك مصلحة عند واحد ما ما تعصيهوش. طب انت مصلحة حياتك كلها عند ربنا سبحانه وتعالى. يعني شاب بيقول للنبي اتبعك على ان اضرب بسهم ها هنا فاموت فادخل الجنة - [00:52:10](#)

وانت كل حلمك ان انا المس ايديها. انها تقول لي كلمة حلوة كده ولا كلمة وحشة ولا كلمة يعني سيئة في مكالمة كده الساعة اتنين بالليل وده كل الحلم بتاعنا - [00:52:30](#)

ربنا سبحانه وتعالى. العلاقة بربنا ما بتتعرضش. اللي هيخسر علاقته بربنا مش ما حدش هيحبك زي ربنا. وما فيش حد هيدي لك زي ربنا. ما فيش. انت بقى قاعد في زنقة تقوم قايم متوضي بيصلي ركعتين معيط له يحل لك كل مشاكلك. عايز تتجوز عايز شغلانة واو ره - [00:52:42](#)

به واو وضوء. ره ركعتين به بكاء. وضوء. ركعتين بكاء. قانون لحل اي مشكلة في الحياة. بس على شرط تبقى مع ربنا. فليستجيبوا لي استجيب لي وهو يستجيب لك. عايزين نتعلم ان احنا نصبر. عايزين نتعلم ان احنا نصبر يا شباب. انا وحبينا - [00:53:02](#)

الشباب الجميل دهوت واحنا قاعدين القعدة الجميلة ده ايه اللي لسة لا جاب لنا فيها عشاء لحد دلوقتي ما شفناش غير الشاي والقهوة. واحنا قاعدين القعدة الجميلة ده نتكلم ويفتح قلبه لي ويفتح قلبي له. وبتتكلم مع بعض عن البنات هيجنونوني. اعمل ايه؟ الحل يا شباب اصبروا يا شباب. الحل زي ما - [00:53:22](#)

الف سورة يوسف انه من يتقي ويصبر فان الله لا يضيع اجر المحسنين. الحل ان انتم تصبروا. الحل والذين شاهدوا فينا لنهدينهم سبلنا. هعرفك الطريق للسعادة. هعرفك الطريق للفرحة في الدنيا والاخرة. بس اصبر عشان ربنا. الاية - [00:53:42](#)

بترعب قلب الواحد. قل ان كان اباؤكم وابناؤكم واخوانكم وازواجكم وعشيرتكم واموال اقترفتوموها وتجارة تخشون كسادها
ومساكن ترضونها احب اليكم من الله. احب اليكم من الله ورسوله وجهاده في سبيله فتربصوا حتى يأتي الله بامرہ. لازم ربنا يبقي
احب حبيب لنا. احد السلف بيقول جاهدت في قيام الليل سنة وتلذت - [00:54:02](#)
به عشرين سنة. البنات هيجنوني. هنجاهد سنة هنجاهد شهوتنا سنة. هنجاهد نفوسنا في البعد عن اللي بنحبها واللي بتحبيه سنة
تتلزز بالقرب من ربنا عشرين سنة. اللهم تب علينا. نرفع ايدينا وندعي ربنا حبيبنا. اللهم تب علينا. اللهم تب على الشباب - [00:54:32](#)
اللهم اهدي شباب امة محمد. اللهم احفظهم من فتنة النساء. اللهم احفظ الشباب من فتنة النساء. واحفظ النساء والبنات من فتنة
الشباب الرجال اللهم نجنا من الفتن ما ظهر منها وما بطن. اللهم استعملنا ولا تستبدل بنا. اللهم استعملنا ولا تستبدل بنا - [00:54:52](#)
اللهم استعملنا ولا تستبدل بنا. اللهم طهر بلادنا من المواقع الفاسدة ومن الزنا والخنا. ومن الخمر والمخدرات ومن التبرج والسفور.
اللهم تب علينا من كل ذنب تبنا اليك منه ثم عدنا فيه. تب علينا توبة لا نرد على اعقابنا - [00:55:12](#)
بعدها ابدأ. اللهم امين. اللهم امين. اللهم امين. عشنا مع البنات هيجنوني. مع فتنة النساء. يا رب نكون استفدنا. وميعادنا الخميس
القادم ان شاء الله سبحانه اللهم وبحمدك اشهد ان لا اله الا انت استغفرك واتوب اليك - [00:55:32](#)
اه - [00:55:52](#)